

Յերակ դու չանկի եղար, զիս ի քո փերտեդ սազեցիր.
Ա՛մ, զա՛րկ ու զանուշն ասա՛, երբ ի քո կըրական երեցիր:

Դ .

Ասես թե կաթով շաղոուած՝ այդ ճերմակ ծոցիկդ որ ունիս.
Ասես թ՛արեգական ես դու, լոյս կուտաս ամէն ալամիս.
Շէքրին քէնըն դու ունիս, պուլպուլին ձայնով կու խօսիս.
Մուշկին փերւարիշ կուտաս, քան ըզմուշկն անուշ հոտ ունիս:

Ե .

..... կանց կենայի.
Ձըմեռն ի ձընին միջին կենայի, դեռ քըրտընէի:
Երբ սերն ի յիսնէ ելաւ, եօթընտակ մուշտակ կարեցի.
Ամառն ի թունտրեգերին կենայի, դեռ կու դողայի:

Զ .

Քո գունդ ինձ գինի պիտեր, խըմէի լուկ հարքենայի.
Ծոցիկդ Ադամայ դըրախտ, մըտնէի խընծոր քաղէի.
Յան խակ ծըծերուդ միջին մէկ պահիկ մի քուն լինայի.
Յոգէկ մ՛Աստուծոյ պարտիմ, նա յա՛յն ժամըն թող գայ տանի:

Է .

Այս աստընւորիս վերայ Գըրօղին տընական աւիրի՛.
Կայծիկ մի կրակ առնէի՛, զինք ու իր տընական երէի.
Յամէն տարի յայս ատենս գով սիրեմ նա զայն կու տանի.
Վախեմ օր մի զիս տանի, կուտաման խելկացն որ ունի:

Ը .

Այս աստընւորիս վերայ սիրոյ տերն, ա՛մ, ի՞նչ կու շահի.
Ըռուպ մի վաճառ կ՛անէ ու հազար դեկան կու գէնի.
Ելնէ հօր ու մօր աչիչ, սրելեաց ամօթ աւելի.
Թափի յերեսի ջըրէն ՚լ իր ոսկի անունն աւիրի:

Թ .

Մարդն որ սիրոյ տեր լինի, քունն ի հոն, ա՛մ, ի՞նչ բան ունի.
Յորեկըն գիշեր թըլի ու գիշերն է երերմանի.
Ա՛մ, սերըն հընցկուն պիտի, որ Աստուած ու մարդըն հաւնի.
Թէ չէ գասանկ այլ սերըն՝ շունն ու գայլն, աղուէսն այլ ունի: